


富士川文庫  
490.9  
He-2  
2

Kitasato Memorial Medical Library

F<sup>2</sup>  
^ -10



490.9  
He-2  
2

No. 1800  
IR h 18



富士川文庫  
1161

扁鵲心書卷下

古神醫盧人扁鵲傳

宋太醫真定寶材重集  
清錢塘胡珏參論

陰莖出膿

此由酒色過度。真氣虛耗。故血化為膿。令人漸漸羸瘦。六脈沉細。當每日服金液丹。霹靂湯。外敷百花生散。五六月服中微痛。大便滑。小便長。忌房事。犯之復作。若灸關元二百壯。則病根去矣。  
道滑淋濁無不由酒色之過。至于血出。可謂劇矣。又至化血為膿。則腎虛寒而精腐。敗非溫補不可。更須謹戒。若仍不慎。必致泄氣而死。

腸癰

此由膏粱飲酒太過。熱積腸中。久則成癰。服當歸建中湯自愈。若近肛門者。用鍼刺之。出膿血而愈。  
此證身皮甲錯。腹皮急。脹如腫。甚者腹脹大。轉有水聲。或繞臍生瘡。若臍間出膿者。不治大法。以口口為主。若膿成。口口而殞。

腸痔

此由酒色飲食太過。致經脈解而不收。故腸裂而為痔。服金液丹可愈。外取鼠腐。當是蟲十枚。研爛攤紙上貼之。少刻痛止。若老人患此。須灸關元二百壯。不然。腎氣虛。毒氣下注。則難用藥也。  
凡痔咳。嗽吐血。後大腸。並肺虛。極而熱。陷于大腸。多難收功。若專于治痔。而不顧本原。未有不斃。斃。

扁鵲心書卷下

人因七情六慾形寒飲冷損傷肺氣令人咳嗽胸膈不利惡寒作熱可服全真丹若服冷藥則重傷肺氣令人胸膈痞悶昏迷上奔口中吐冷水如含冰雪四肢困倦飲食漸減此乃冷氣入于肺中侵于膏肓亦名冷勞先服金液丹除其寒氣再用薑附湯十日可愈或服五膈散撮氣散去肺中冷氣重者灸中府三百壯可愈形寒飲冷之傷初起原不甚深重醫人不明此證誤熱無已不思轉手溫補仍與以滋陰退熱等劑以致不起非是病殺乃醫殺也

治驗

一人暑月飲食冷物傷肺氣致咳嗽胸膈不利先服金液丹百粒泄去一行痛減三分又服五膈散而安但覺常發後五年復大發灸中府穴五百壯方有極臭下氣難聞自後永不再發世醫不審病因動云暑月熱氣傷肺一派寒涼致水氣不消變成大病

噎病

肺喜煖而惡寒若寒氣入肺或生冷所傷又為庸醫下涼藥冰脫肺氣成膈噎病覺喉中如物塞湯水不能下急灸命關二百壯自然肺氣下降而愈噎病之多死者皆由咽中堵塞飲食不補馬能得生用先生灸法甚妙奈人不能信用何哉

又有肺寒一證令人頭微痛多清涕聲啞惡寒肩背拘攣脈微浮緊當服華蓋散重則姜附湯忌冷物此證不可誤認作癆證治故表而出之肺寒之證世醫不識不能用溫散但用桑皮貝母麥冬玉竹等味壅住寒邪做成癆證者多矣

咳嗽

咳嗽多清涕者肺感風寒也華蓋散主之若外感風寒內傷生冷令人胸膈作痞咳而嘔吐五膈散主之咳嗽煩躁者屬腎石膏丸主之大凡咳嗽者忌服涼藥犯之必變他證忌房事恐變虛勞久咳而額上汗出或四肢有時微冷間發熱困倦者乃勞咳也急灸關元三百壯服金液丹保命丹姜附湯須早治之遲則難救治咳嗽之法若如先生因證制宜馬有癆瘵不治之患敗及至用補又不過以四君六味和平之劑和平之藥與之所謂養殺而已

咳嗽病

此證方書名為哮喘因天寒飲冷或過食鹽物傷其肺氣故喉常如風吼聲若作勞則氣喘而滿須灸天突穴五十壯重者灸中腕穴五十壯服五膈散或研蚯蚓二條醋調服立愈哮喘遇逢勞則甚審治得當愈亦不難然少有除根者先生此法甚妙請嘗試之

失血

凡色慾過度或食冷物太過損傷脾肺之氣故令人咯血食前服鍾乳粉金液丹食後服阿膠散而愈若老年多酒色損傷脾氣則令人吐血損傷腎氣則令人瀉血不早治多死當灸關元三百壯服姜附湯金液丹自愈傷肺氣則血從鼻出名曰肺衄乃上焦熱氣上攻也服金液丹或口含冷水以蠶金末調塗項後及鼻柱上凡肺衄不過數杯如出至升斗者乃腦漏也腦由真氣虛而血妄行急灸關元三寸留二十呼立止再灸關元二百壯服金液丹草神丹為保其血之證世人所畏而醫人亦多縮手其畏者為殞命之速而成癆瘵之易縮手者恐不

情志之過由于外感者易治出于內傷者難治絡脈與經隨有異經隨重而絡脈輕肝脾與腎清補不同肺腎難而肝脾易治不說其治法雖重難亦可挽回唯在辨別其陰陽權衡其虛實溫逐漸消伏其生氣而致不可解者比比矣

治驗

一人患腦衄日夜有數升諸藥不效余為針關元穴入二寸留二十呼問病人曰針不覺熱否曰熱矣乃令吸氣出針其血立止

一法治鼻衄與腦衄神方用赤金打一戒指帶左手無名指上如發作時用右手將戒指捏緊箍住則衄止矣

腎厥

凡人患頭痛百藥不效者乃腎厥服石膏丸黑錫丹則愈此病多酒多色人則有之經云厥成云少陰不至者厥也頭痛之類腎虛者多若用他藥斷難奏效惟大溫補為是溫補不効其丹艾乎

治驗

一人因大惱悲傷得病晝則安靜夜則煩惋不進飲食左手無脈右手沉細世醫以死證論之余曰此腎厥病也因寒氣客脾腎二經灸中脘五十壯關元五百壯每日服金液丹四神丹至七日左手脈生少頃大便下青白膿數升許全安此由真氣大衰非藥能治惟艾火灸之此證非灸法不愈非丹藥不效二者人多不能行醫人僅用泛常藥以治其何能生

脾勞

人因飲食失節或吐瀉服涼藥致脾氣受傷令人面黃肌瘦四肢困倦不思飲食久則肌肉瘦盡骨立而死急灸命關二百壯服草神金液甚者必灸關元先天之原腎是也後天之本脾是也有車自然藏府和平經脈運行榮衛通氣血流暢又何勞病也人之有病至于藏腑實是貽害後人溫補何由得生處范溪強立五勞之證所用皆係溫平涼劑以此災梨禍棗實是貽害後人

腎勞

夫人以脾為母以腎為根若房事酒色太過則成腎勞令人面黑耳焦筋骨無力灸關元三百壯服金液丹可生遲則不治

頭痛

風寒頭痛則發熱惡寒鼻塞肢節痛華蓋五隔消風散皆可主若患頭風兼頭暈者刺風府穴不得直下針恐傷大筋則昏悶向左耳橫紋針下入三四分留去來二十呼覺頭中熱麻是效若風入太陽則偏頭風或左或右痛連兩目及齒灸腦空穴二十一壯其穴在腦後入髮際三寸五分再灸目窗二穴在兩耳直上一寸五分二十一壯左痛灸左右痛灸右頭風之病證候甚殊少致為終身痼疾先生刺灸二法甚妙無如醫者不知病者畏痛奈何

眼病

肝經壅熱上攻致目生昏翳先服洗肝散數劑後服撥雲散其翳自去若老年人腎水枯涸不能上榮于目致雙目昏花漸至昏暗變為黃色名曰內障服還睛丹半月目熱上攻勿懼此乃腎氣復生上朝于目也如覺熱以手掌揉一番光明一番一月間光生復舊矣眼科用藥不循紀律祇用一派

發散寒涼所謂眼拉板是也倘能盡如先生之法而行之天下喪明皆少矣

治驗

余家女婢忽二目失明視之又無昏翳細思此女年少精氣未衰何緣得此證良由性急多怒有傷肝藏故經脈不調而致遂與密蒙花散一料如舊光明矣病有萬變醫止一心線索在手頭緒通清何懼病體之多端不惑治瘳之無術

夢泄

凡人夢交而不泄者心腎氣實也夢而即泄者心腎氣虛也此病生于心腎非藥可治當用紙撚長八寸每夜繫繫陰囊天明解之自然不泄若腎氣虛脫寒精自出者灸關元六百壯而愈若人一見女子精即泄者乃心腎大虛也服大丹五兩甚者灸巨門五十壯仲景云陰寒精自出者心腎氣虛也知精之不固由于陽之不密先生云腎氣虛脫寒精自出則溫補下元為得法矣世醫苟明此理以治遺精必不專事寒涼而致人天枉矣

奔豚

此由腎氣不足又兼濕氣入客小腸連臍發痛或上或下若豚之奔或痛連外腎成疝氣者服塌氣散茱萸丸金鈴子丸或蠅葱散奔豚與疝不同混淆不得從小腹而上抵心者奔豚也從痛欲死者衝疝也從少腹而下連腎區者小腸與疝疝也是有差別不可不審

肺膈痛

此證因肺虛氣不下降寒氣凝結令人胸膈連背作痛或嘔吐冷酸水當服五膈散自愈此證若

必成膈證

骨縮病

此由腎氣虛憊腎主骨腎水既涸則諸骨皆枯漸至短縮治遲則死須加灸艾內服丹附之藥非尋常草木藥所能治也凡人年老逐新姓矮其猶骨縮之病乎

治驗

一人身長五尺因傷酒色漸覺肌肉消瘦予令灸關元三百壯服保元丹一升自後大便滑小便長飲食漸加肌肉漸生半年如故此自消瘦與骨縮有間不知何緣附此中間疑有缺文

手顫病

四肢為諸陽之本陽氣盛則四肢實實則四體輕便若手足顫搖不能持物者乃真元虛損也常服金液丹五兩姜附湯自愈若灸關元三百壯則病根永去矣手足顫搖終身痼疾若傷寒傷營而致者宜以重劑扶陽加以神氣昏亂者亦不治

老人便滑

凡人年少過食生冷硬物麵食致冷氣積而不流致晚年脾氣一虛則腸下如水聲有水氣則大便隨下而不禁可服四神丹姜附湯甚者灸命關穴此病須早治遲則多有損人者又脾腎兩虛則小便亦不禁服草神丹五日即可見效老人大便不禁用草神丹中有硃砂琥珀恐非其宜

老人脾虛則氣逆冲上逼肺令人動作氣喘切不可用劑氣苦寒之藥重傷其脾致成單腹脹之證可服草神丹金液丹薑附湯而愈甚者灸關元穴腎脈背肺繫古本主運行津液上輸于肺若腎氣一虛則不上榮故口常乾燥若不早治死無日矣當灸關元五百壯服延壽丹半斤而愈口乾氣喘係根元虛而津液竭庸醫不思補救猶用降劑若寒之品不漸自已識力不真而愈而妄掃溫補之非宜及至暴脫更即過于前藥之誤此輩重臺下品本不足論但識見者聞者尚不知其謬妄仍奉之如神明

**耳聾**

有為風寒所襲而聾者有心氣不足而聾者當服一醉膏滾酒下汗出而愈若多酒色人腎虛而致聾者宜先服延壽丹半斤後服一醉膏若實聾則難治腎開竅于耳又胃之宗氣別走于耳故耳聾一證屬虛者多今言心氣不足而用一醉膏此理未詳又云實聾者難治尚俟細察

**氣瘰**

若山居人溪澗中有薑理石飲其水令人生瘰癧服消風散當是消瘰散初者服薑附湯若血瘰血瘰則不可治妄治害人

**三蟲**

三蟲者蛔蟲蟻蟲寸白蟲也幼時多食生冷硬物及腥厭之物久之生蟲若多食牛肉則生寸白其蛔蟲長五六寸發則令人心痛吐清水貫心則死寸白蟲葫蘆子子母相生長二三寸

發則令人腹痛蟻蟲細如髮隨氣血周遊遍身出皮膚化為瘋癩住腹中為蟻瘕穿大腸為痔漏俱宜服安蟲散若人穀道痒痛當用輕粉少許服之來日蟲盡下寸白蟲亦能下

**治驗**

一婦人病腹脹諸藥不効余令解腹視之其皮黃色光如鏡面乃蟻瘕也先灸牛肉一斤令食後用生蘇油調輕粉五分服之取下蟻蟲一合如線如鬚狀後服安蟲散而愈

**蠱毒**

閩廣之人以諸蟲置一器內令其互相咬食候食盡而獨存者即蠱也中其毒則面目黃腫心腹脹滿疼痛或吐涎血久則死矣初得時用皂角一挺槌根二兩水煎濃汁二盞臨臥服之次早取下毒物後用以萬歲藤根濕紙裹煨熟每日空心嚼五枚生麻油送下三日毒從大便出凡人至川廣每日飲食宜用銀筋筋白即無妨筋黑即有毒也

**癩證**

有胎癩者在母腹中母受驚驚氣冲胎故生子成疾發則仆倒口吐涎沫可服延壽丹久而自愈有氣癩者因腦怒思想而成須灸中脘穴而愈胎癩出于七情故大病後及憂苦人并燥性貪口腹人率多患此醫書雖有陰陽五藏之分然皆未得其要而愈者蓋寡先生此法直中肯綮予用之而獲益者多矣

**治驗**

一人病癩三年餘灸中脘五十壯即愈

一婦人病癰已十年。亦灸中脘五十壯愈。凡人有此疾。惟灸法取效最速。藥不及也。

瘰癧

此證由憂思腦怒而成。蓋少陽之脈循脇繞頸環耳。此即少陽肝膽之氣鬱結而成。亦有鼠涎墮食中。食之而生。是名鼠瘻。治法俱當于瘡頭上灸十五壯。以生麻油調百花膏傅之。內服平肝順氣之劑。日久自消。切不可用斑貓石灰砒霜之類。外傷經脈留滯于肉腠之間。而為瘰癧。乃外感之輕者也。靈樞經所謂腎藏受傷。水毒之氣出于上。而為鼠瘻。失治多至殞命。乃內傷之重者也。

婦人

婦人除妊娠外。有病多與男子相同。但男子以元陽為主。女子以陰血為主。男子多腎虛為病。女子多衝任虛為病。蓋衝為血海。任主胞胎。血信之行。皆由衝任而來。若一月一次為無病。愆期者為虛。不及期者為實。脈沉細而澇。月信不來者。虛寒也。血崩者。衝任虛脫也。崩者。倒也。白帶者。任脈冷也。任為胞門子戶。故有此也。發熱減食。皆為氣血脾胃之虛。不減食止發熱者。心藏虛也。此外疾病治法。皆與男子全異。婦人另立一科。原屬無謂。葉方脈者。不知男女之分。陰陽方小技之倚焉。得稱大方哉。

子嗣

婦人血旺氣衰則多子。氣旺血衰則無子。若髮黑。面色光潤。肌膚滑澤。腋隱毛稀。乃氣衰血旺也。主多子。若髮黃。面無光彩。肌肉粗澁。腋隱毛多。乃氣旺血衰也。主無子。若交合時。女精先至。

男精後衝者。乃血開裏精也。主成男。若男精先至。女精後來者。乃精開裏血也。主成女。若男女精血前後不齊至者。則不成胎。子為美。既生之後。又須選擇乳母。兒吮其乳。習其教導。導往往類。

血崩

經云。女子二七而天癸至。任脈通。太衝脈盛。月事以時下。若因房事太過。或生育太多。或暴怒內損真氣。致任脈崩損。故血大下。卒不可止。如山崩之驟也。治宜阿膠湯。補宮丸。半斤而愈。不可用止血藥。恐變生他病。久之。一崩不可為矣。若勢來太多。其人作暈。急灸石門穴。其血立止。崩水溢。不可止。過非重劑。參附補救。不能生也。間有屬實者。當以形證求之。

帶下

子宮虛寒。濁氣凝結。下焦衝任脈。即子不得相榮。故腥物時下。以補宮丸。膠艾湯治之。甚者。灸胞門子戶穴。各三十壯。不獨病愈。而且多子。然亦有脾虛陷下者。有濕濁不清者。有氣虛不攝引者。有陽虛不固者。先生單作子宮虛寒。誠為卓見。

乳癰

良由藏氣虛衰。血脈凝滯。或為風寒所客。着而成癰矣。若陽明蘊熱。亦能成此。先覺增寒壯熱。服救生湯一劑。若遲三五日。宜多服取效。

胎逆病

妊娠後多于房事或食冷物不消令人吐逆不止下部出惡物可服金液丹霹靂散即好胎逆阻俗所謂病兒是也苟能慎起居戒房事節飲食不但無病兒之患而生子亦多易育若謹攝已當而仍病者是係孕婦體弱氣血多虛故耳

午後潮熱

若飲食減少四肢倦怠午後熱者胃氣虛也若起居如常但發煩熱乃胃實心氣盛也服茜草湯五日愈

臍中及下部出膿水

此由真氣虛脫衝任之血不行化為膿水或從臍中或從陰中淋瀝而下不治即死灸石門穴二百壯服金液丹姜附湯愈臍為神關穴上脾下腎不可有傷若出膿水先後天之氣泄矣焉得不死

婦人卒厥

凡無故昏倒乃胃氣閉也灸中脘即愈貪食多慾之婦多有此證

產後虛勞

生產出血過多或早于房事或早作勞動致損真氣乃成虛勞脈弦而緊咳嗽發熱四肢常冷或咯血吐血灸石門穴三百壯服延壽丹金液丹或鍾乳粉十日減一月安凡虛勞而其脈弦緊者病已劇矣况在生產而出血過多者乎急投溫補唯恐已遲苟或味此尚欲滋陰愈無日矣

小兒

小兒純陽其脈行疾一息六七至為率遲冷數熱與大人脈同但小兒之病為乳食所傷者十

居其半發熱用平胃散吐瀉用珍珠散頭痛發熱恐是外感用華澄茄散穀食不化用丁香丸泄瀉用金液丹小兒之脈較之大人固是行疾第器差半至一至為率若六七至非脈而何

驚風

風木太過令人發搐又積熱蓄于胃脘胃氣暫閉亦令卒仆不知人事先服碧霞散吐痰次進知母黃芩湯或青餅子硃砂丸皆可若脾虛發搐或吐瀉後發搐乃慢驚風也灸中脘三十壯服姜附湯而愈小兒之急驚慢驚猶大人中風之閉證脫證溫清補瀉審病當而用藥確自無差訛

斑疹

小兒斑疹世皆依錢氏法治之此不必贅但黑泡斑及縮陷等證古今治之未得其法以為火而用涼藥治者十無一生蓋此乃汚血逆于皮膚凝滯不行久則攻心而死黃帝正法用霹靂湯姜附湯凡多死之證但用此法常有得生者蓋毒血死于各經湊無復還之理惟附子健壯峻走十二經絡故用此攻之十中常生八九于臍下一寸灸五十壯則十分無事若以涼藥凝冰其血致偏身青黑而死此其過也世俗凡遇熱證輒以涼藥投之熱氣未去元氣又瀉此法最不良余每遇熱證以知母五錢煎服熱即退元氣無損此乃秘法錢氏之法後世兒醫咸遵藏之證一以順逆險而為難易不治之條所用之藥不過溫平無奇陽守之以五行而分五逆百無一愈其後陳氏雖云得法十中或救一二不過溫平無奇陽守之以五行而分五用之醫一能奉行自天雖云得法十中或救一二不過溫平無奇陽守之以五行而分五治之活其一人皆信之至死不悔者少矣每見世俗一遇証勿論陰陽又奉為典型在證藥相合者



午後潮熱

小兒午後潮熱不屬虛證乃食傷陽明必腹痛吐逆宜用來復丹華澄茄散

吐瀉

小兒吐瀉因傷食者用珍珠散因胃寒者用姜附湯吐瀉脈沉細手足冷者灸臍下一百五十壯慢驚吐瀉灸中脘五十壯十壯以此法勸之斷乎不允只索托之空言耳

面目浮腫

此證由于冷物傷脾脾虛不能化水谷致寒飲停于中焦輕者面目浮腫重者連陰囊皆腫服金液丹輕者五日可愈重者半月全愈當飲軟粥半月硬物忌之金液丹淘是活命之神藥但世人不知在大人尚有許多

疑應小兒馬肯用哉

咳嗽

小兒肺寒咳嗽用華蓋散若服涼藥並止咳藥更咳者當服五膈散若咳嗽面目浮腫者服平胃散咳而面赤者上焦有熱也知母黃芩湯咳而面赤屬土焦實熱者宜用知母黃芩湯若該甚而面赤兼嘔涎沫者則當以溫補氣血為宜

溇瀉

冷氣犯胃故水谷不化大便溇瀉甚則脫肛者厚腸散半硫丸主之

腹脹

冷物傷脾則作脹來復丹全真丹皆可用

痢疾

痢因積滯而成者如聖餅化積而愈暑熱所傷下赤而腫者黃連丸腹痛者當歸芍藥湯寒邪客于腸胃下白者姜附湯桃花丸

水瀉

火熱作瀉珍珠散食積作瀉如聖餅感應丸

胎寒腹痛

藏氣虛則生寒寒甚則腹痛亦有胎中變寒而痛者調硫黃粉五分置乳頭令兒吮之即愈三四歲者服來服丹

下血

暑中于心傳于小腸故大便下血宜當歸建中湯

牙疳

胃脈絡齒榮牙牀胃熱則牙縫出血犀角化毒丸主之出局腎虛則牙齒動搖胃虛則牙牀潰爛急服救生丹若齒齲黑急灸關元五十壯牙齒動搖或有知其胃虛者至牙牀潰爛誰不曰胃火上攻敢服救生丹并灸關元者鮮矣

螻蛄節

風寒凝于髮際或冷水沐頭小兒頭上生癩麻油調百花散塗之如腦癰初起亦服救生湯

寒熱客于髮浸淫成瘡久之生蟲即于頭上灸五十壯自愈者其初起者即是頭也

水沫瘡

小兒腿胛間有瘡若以冷水洗之寒氣浸淫遂成大片甚至不能步履先以葱椒姜洗乾乾又以百花散糝之外以膏藥貼之出盡毒水十日全愈

週身各穴

巨關	陰交	關元	心俞	腎俞	承山	中府	地倉	自窓
在臍上五分	在臍下一寸	在臍下三寸	在背脊第五椎下	在背脊第十四椎下	在背脊第二十椎下	在背脊第一椎下	在口旁四分	在眼上四分
中脘	氣海	天柱	肝俞	腰俞	三里	食竇	上星	腦空
在臍上四寸	在臍下一寸五分	在兩旁一椎下	在背脊第九椎下	在背脊第二椎下	在背脊第六椎下	在鼻下六寸	在髮際一寸	在髮際三寸
神闕	石門	肺俞	脾俞	湧泉	天突	前頂	風府	
在臍中	在臍下二寸三分	在背脊第三椎下	在背脊第十一椎下	在足心	在喉中	在髮際五分	在髮際一寸	

扁鵲心書神方

古神醫盧人扁鵲傳

宋太醫真定寶材重集  
清錢塘胡珏參訂

金液丹 一名保元丹 一名壯陽丹

余幼得王氏博濟方云此丹治百種欲死大病竊嘗笑之恐無是理此得扁鵲方以此冠首乃敢遵用試之於人屢有奇效始信聖人立法非不神也乃不信者自誤耳此方古今盛行莫有疑議及孫真人著千金方乃言硫黃許多利害後人畏之遂不敢用亦是後人該墮天折故棄大藥而求諸草木何能起大病哉余觀今人之病皆以溫平藥養死而不知悔余以此丹起數十年大病于頃刻何有發疽之說孫真人之過也凡我同志請試驗之自見奇効

此丹治二十種陰疽三十種風疾一切虛勞水腫脾泄注下休息痢消渴肺脹大小便閉吐衄尿血霍亂吐瀉目中障尸厥氣厥骨蒸潮熱陰證陰毒心腹疼痛心下作痞小腸兩脇急痛胃寒水谷不化日久膀胱疝氣膨膈女人子宮虛寒久無子息赤白帶下臍腹作痛小兒急慢驚風一切疑難大病治之無不効驗  
船上硫黃十斤用銅鍋熬化麻布濾淨傾入水中再熬再傾如此七次研細入陽城罐內蓋頂

扁鵲心書神方

鐵絲紮定。外以鹽泥封固。八分厚。陰乾。先慢火煨紅。次如烈火煨一炷香。寒爐取出。埋地中三日。去火毒。再研如粉。煮餅為丸。梧子大。每服五十丸。或三十丸。小兒十五丸。元氣虛。人宜常服之。益壽延年。功力最大。一切牛馬六畜吐食者。灌硫末立愈。一切雞鵝鴨瘦而欲死者。飼以硫末。可以立愈。且易肥。

保命延壽丹

此丹治癰疽。虛勞。中風水腫。臌脹。脾泄。久痢。久瘧。尸厥。兩脇連心痛。夢泄遺精。女人血崩。白帶。童子骨蒸。勞熱。一切虛羸。黃黑。疽。急慢驚風。百餘種。欲死大病。皆能治之。一粒勝金液丹十粒。久服延年益壽。

硫黃

明雄黃

辰砂

赤石脂

紫石英

陽起石火煨醋

每味各二兩。研作粗末。同入陽城罐。蓋頂。鐵絲紮定。鹽泥封固。厚一寸。陰乾。掘地作坑。下埋一半。上露一半。烈火煨一日。夜寒爐取出。研細。醋丸。梧子大。每服十粒。空心送下。童男女五粒。小兒二三粒。俱見成効。

大丹

此丹補腎氣。駐顏色。活血脈。壯筋骨。輕步履。明耳目。延年益壽。治虛勞。發熱。咳嗽。咯血。骨蒸。盜汗。怔忡。驚悸。一切陰疽。冷漏。小兒斑痘。縮陷。水腫。臌脹。黃黑。疽。一切虛羸。大病。

功同延壽丹。常服可壽百餘歲。但富貴人。方得合此。貧者難合。只服金液丹亦妙也。

大硃砂一斤。要有牆壁者

為粗末。入陽城罐。先用蜜拌。安砂在底。次以瞿麥末。草烏末。蒺藜末。各五錢。以雞子清五錢。拌勻。蓋在砂上。以罐蓋蓋住。鐵絲紮好。鹽泥封固。陰乾。掘地作坑。下埋五分。上露五分。烈火煨一日。夜寒爐取出。研細。醋打半夏糊丸。芡實大。滑石為衣。以發光彩。銀器收貯。每服五粒。或三粒。空心面東熱酒下。

中丹

此丹補腎氣。壯筋骨。延年不老。治脾瘧。黃黑。疽。脾泄。久痢。虛腫。水腫。女人血崩。白帶。骨蒸。勞熱。小兒急慢驚風。及暴注。腸滑。洞泄。中風。諸般瘡毒。皆効。

雄黃

十兩

赤石脂

一兩

三黃丹

丸。芡實大。大人服十丸。小兒三五丸。空心熱酒。或米飲下。

此丹治中滿。胸膈痞悶。中風。痰喘。氣急。大便虛秘。功與中丹同。但畧峻耳。

雄黃

雌黃

硫黃

服十丸。空心米飲下。

扁鵲

心書

神方

二

四神丹

此丹治病功力與延壽同。治虛證更多。能止怔忡驚悸諸般大病。同前三黃丹外加辰砂五錢。製法合法。丸法俱如前。每服四十九。空心白湯下。

五福丹

此丹功力與延壽丹中丹同。又能壯陽。治陽痿。于腎虛之人。功效更多。

雄黃

雌黃

硫黃

辰砂

陽起石

各五兩。製法合法。丸法皆

如前。每服三四十。空心米飲下。

紫金丹

此丹補脾腎虛損。活血壯筋骨。治下元虛。子宮寒冷。月信不調。臍腹連腰疼痛。面黃肌瘦。泄瀉。精滑。一切虛損之證。

代赭石

燒紅醋

赤石脂

禹餘糧

製法

各五兩。共研細末。入陽城罐

鹽泥封固。一寸厚。陰乾。大火煨三炷香。冷定。再研極細。醋糊丸。芡實大。每服十九。熱酒送下。

全真丹

此丹補脾腎虛損。和胃健下元。進飲食。行濕氣。治心腹刺痛。胸滿氣逆。腸下痛。心腹脹痛。小便頻數。四肢厥冷。時發潮熱。吐逆泄瀉。暑月食冷物。不消氣逆。痞悶。男女小兒面

目浮腫小便赤澀淋瀝一切虛寒之證

高良姜

乾姜

吳茱萸

大附子

陳皮

青皮

各二兩

右為末。醋糊丸。梧子大。每服五十九。小兒三十。丸米飲下。無病及壯實人。不宜多服。

來復丹

此丹治飲食傷脾。心腹作痛。胸膈飽悶。四肢厥冷。又治傷寒陰證。女人血氣刺痛。或攻心腹。或兒枕作痛。及諸鬱結之氣。真良方也。

陳皮

白去

青皮

大川附製

五靈脂

各六兩

消石

硫黃

各三兩

右為末。蒸餅丸。梧子大。每服五十九。白湯下。

草神丹

此丹大補脾腎。治陰毒傷寒。陰疽。痔漏。水腫。臌脹。中風。半身不遂。脾泄暴注。久痢。黃黑。疽。虛勞。發熱。咳嗽。咯血。兩脇連心痛。胸膈痞悶。腸中如流水。聲。童子骨蒸。小兒急慢驚。風。痘疹。變黑。縮陷。氣厥。卒仆。雙目內障。吞酸。逆氣。痞積。血塊。大小便不禁。奔豚。疝氣。附骨。疽。兩足少力。虛汗不止。男子遺精。夢泄。沙石淋。溺血。婦人血崩。血淋。暑月傷食。腹痛。嘔吐。痰涎。一切疑難大病。此丹乃藥中韓信也。取效最速。好生君子。廣試驗之。知不誣也。

川附子

製五兩

吳茱萸

泡二兩

肉桂

二兩

琥珀

五錢

用柏子

辰砂

五錢

麝香

二錢

先將前三味為細末。後入琥珀辰砂麝香三味。共研極勻。蒸餅丸。梧子大。每服五十九。米飲

下小兒十九丸

姜附丹

此丹補虛助陽消陰治傷寒陰證癰疽發背心胸作痛心腹痞悶喉痺頤項腫湯水不下及虛勞發熱咳嗽吐血男婦骨蒸勞熱小兒急慢驚風痘疹縮陷黑泡水泡斑脾勞面黃肌瘦腎勞面白骨弱兩目昏翳內障脾瘧久痢水瀉米谷不化又能解利兩感傷寒天行瘟疫山嵐瘴氣及不時感冒等證

生薑五切片

川附子炮切片童便浸再

若治中風不語半身不遂去附子用川烏去黑皮製法與附子同

共為末每服四錢水一盞煎七分和渣服

霹靂湯

治脾胃虛弱因傷生冷成泄瀉米谷不化或脹或痛或痞胸脇連心痛兩脇作脹單腹臌脹霍亂吐瀉中風半身不遂脾瘧黃疸陰疽入蝕骨髓痘疹黑陷急慢驚風氣厥發昏又能解利陰陽傷寒諸般冷病寒氣

川附子炮去皮

桂心去皮盡

當歸二兩

甘草兩

共為細末每服五錢水一大

救生湯

治一切癰疽發背三十六種疔二十種腫毒若初起憎寒壯熱一服即熱退身涼重者

減半輕者全愈女人乳癰乳巖初起姜蔥發汗立愈又治手足痰塊紅腫疼痛一服即消久年陰寒冷漏病一切瘡毒服之神效

芍藥酒炒

當歸酒洗

木香忌火

丁香各五錢

川附子炮二兩

共為細末

鍾乳粉

治勞咳咯血老人上氣不得臥或膈氣腹脹久咳不止及喉風喉腫兩目昏障童男女骨蒸勞熱小兒驚風胎前產後發昏不省人事一切虛病能先于臍下灸三百壯後服此藥見效如神蓋虛勞乃腎氣欲脫不能上榮于肺此藥是潤肺生水之劑後因邪說盛行以致此藥隱閉丹溪云多服發渴淋此言甚謬余家大人服三十年未嘗有此疾故敢附此○服此藥須忌人參白朮二味

石鍾乳

一斤煨成粉製法見李時珍本草內再入石鼎煮三炷香研極細每服三錢煎粟米湯下但此藥

華澄茄散

治脾胃虛滿寒氣上攻于心心腹刺痛兩脇作脹頭昏四肢困倦吐逆發熱泄瀉飽悶等證

華澄茄

高良姜

肉桂

丁香

厚朴姜汁炒

桔梗去蘆

陳皮

扁

鵲

心

書

神

四

三陵過醋

半硫丸

甘草各一兩 香附製三兩

為細末每服四錢姜三片水一盞煎七分和渣服

治胃虛心腹脹滿嘔吐痰涎頭目眩暈困倦不食或大便滑泄水谷不化小兒面目浮腫小便赤淋

半夏姜礬牙皂煎水炒

倭硫 生姜

各五兩同搗碎水浸蒸餅糊丸梧子大每服五十

丸小兒二三十丸白湯下

滲濕湯

治脾胃虛寒四肢困倦骨節痠疼頭暈鼻塞惡風多虛汗痰飲不清胸滿氣促心腹脹悶兩脇刺痛霍亂吐瀉此藥能煖脾胃辟風寒祛瘴疫除風濕

厚朴二兩

丁香

甘草

附子各一兩

砂仁

乾姜

肉果煨透

高良姜各八錢

剉碎每用五錢加姜三片棗三枚水一盞煎七分去渣空心服

生姜半夏湯

治風痰上攻頭旋眼花痰壅作嗽面目浮腫

生姜

半夏各三兩

共搗餅陰乾為末每服四錢加姜五片水煎溫服

附子半夏湯

治胃虛冷痰上攻頭目眩暈眼昏嘔吐等證

川附

生姜各一兩

半夏

陳皮去白各二兩

共為末每服七錢加姜七片水煎服

平胃湯

治老人氣喘咳嗽

葶藶炒一兩

官桂去粗皮一兩 另研 馬兜鈴去絲蒂三兩

共為末每用三錢水一盞煎七分於食後細

細呷之

大白丹

療咳嗽化痰涎

枯礬煨

寒水石煨

元精石煨各四兩

半夏製

天蟲炒去絲

天南星製

白附子各二兩

右為末麴糊丸蒸餅也梧子大每服三十丸食後姜湯下

鹿茸丸

溫補下元疏通血脈明目輕身

鹿茸一具去毛酥炙

鹿角霜二兩

川棟子炒取淨肉

青皮

木香各一兩

右為末蒸餅丸

梧子大每服三十丸空心鹽湯下

黃藥子散

治纏喉風頤頰腫及胸膈有痰湯水不下者用此吐之  
黃藥子一兩 即根為細末每服一錢白湯下吐出頑痰即愈

扁

鵲

心

書

神方

五

八風湯

治中風半身不遂言語蹇塞口眼喎斜先灸臍下三百壯後服此藥永不再發若不加灸三年後仍發也

當歸 防已 人參 秦艽 官桂 防風 釵斛 芍藥 黃芪  
甘草 川芎 紫苑 石膏 白蘇皮 川烏 川羌活 川獨活 黃芩  
麻黃節去 乾姜 遠志 各等分對為末每服五錢水酒各半煎八分食前服

八風丹

治中風半身不遂手足頑麻言語蹇塞口眼喎斜服八風湯再服此丹永不再發

大川烏炮 荆芥穗各四兩 當歸二兩 麝香另研五錢 共為末酒糊丸梧子大空心酒下五十九丸中風者不可缺此

換骨丹

治中風半身不遂言語蹇澀失音中風者先灸臍下三百壯服金液丹一斤再服此藥

當歸 芍藥 人參 鐵脚威靈仙各二兩 南星三兩 乳香去油二兩 麻黃去節三斤另煎汁和藥 沒藥去油二兩 各為末先將前五味和勻後入乳香沒藥以麻黃膏和勻為丸如彈子大每以無灰酒下一丸出汗五日一服仍常延壽丹金液丹三五七散

治賊風入耳口眼喎斜之證

人參 麻黃節去 川芎 官桂 當歸以上各一兩 川烏 甘草各五錢

右為末每服二錢茶下日三次

蜜犀丸

治半身不遂口眼喎斜語言不利小兒驚風發搐

槐角炒四兩 當歸 川烏 元參炒各二兩 麻黃 茯苓拌 防風  
薄荷 甘草各一兩 猪牙皂角去皮弦子炒 水片另研 先以前十味為末後入冰片和勻蜜丸櫻桃大每服一丸小兒半丸細嚼茶清下

白龍丸

治風邪言語不遂等證面如蟲行手足麻木頭旋眼昏及傷風傷寒頭痛拘急小兒急慢驚風大人風搐失音並皆治之

天南星四兩以生薑同搗成餅 川烏 甘草 藜本 甘松 白芷  
桂心各二兩 海桐皮一兩 石膏研極細 以前八味共為末糯米糊丸彈子大石膏為衣

茶清下大人一丸小兒半丸若治傷寒姜葱湯下出汗

華蓋散

治傷寒頭痛發熱拘急感冒鼻多清涕聲音不清大能解利四時傷寒瘟疫瘧氣等證

麻黃四兩浸去沫 蒼朮八兩油浸 陳皮 官桂 杏仁去皮 甘草各二

祛風散

治風寒頭痛。遍身拘急。破傷風。洗頭風。牙槽風。肩背痠直。口噤。

天南星二兩 生薑一兩 南星製 防風二兩 甘草一兩 共為末。每服四錢。姜七片。水煎。

服取汗。無汗再服。

當歸柴胡湯

治傷寒頭痛。發熱惡寒。支節痛。吐逆。

柴胡五錢 半夏二錢 以生薑同搗 當歸一錢 甘草五分 加姜棗。以水二盞煎。

至八分。熱服。取汗。微微即止。

大通散

治傷寒胃中有熱。或服熱藥太多。發狂言。棄衣而走。登高而歌。或腹痛下血。但實熱者。

用之。虛人大忌。 大黃二錢 枳實二錢 甘草一錢 水煎。空心熱服。不利再服。得利即止。

知母黃芩湯

治傷寒胃中有熱。心覺懊惱。六脈洪數。或大便下血。

知母二錢 黃芩二錢 甘草一錢 水煎熱服。

當歸芍藥湯

治中暑下血。血痢腹痛。

當歸 芍藥各二錢 水煎熱服。

四順散

治中暑。冷熱不調。大便下赤白膿。

川黃連酒炒 當歸 芍藥各二錢 御米殼去隔膜 加生薑七片。水煎。食前熱服。

知母散

解一切煩熱。口乾作渴。飲水若係實熱。皆以此解之。不損元氣。若困倦減食者。乃胃虛。

發熱也。不可服涼藥。當以溫中為主。 知母五錢 薑三片 水一盞。煎六分。溫服。

木附湯

治六月中濕。頭疼發熱。惡寒。自汗。偏身疼痛。

附子炮 白朮土炒 甘草五錢 共為末。每服五錢。姜七片。水煎熱服。

截瘧丹

治一切瘧疾。但瘧不宜截。宜補。



硫黃一兩

雌黃 色紅出陰

砒霜 錢一

為末入罐內鹽泥封固陰乾打火三香

冷定取出醋糊丸梧子大每服五丸空心米飲下。凡用砒要將蘿蔔切去蓋下段挖空入

砒以蓋蓋好紙包火煨透存性取出今此丹係打火煉過不必蘿蔔製

為凡時須研和極勻若次勻恐砒有多有少多處或致損傷人命

高良姜

乾姜炒

草果去殼炒

各二兩為末每服四錢水煎空心服

建中湯

附子炮

白朮土炒

芍藥酒炒

甘草炒

乾姜炒

草果去殼炒

各一兩

為末每服五錢水煎熱服

治久發瘧疾脾胃虛弱胸膈腹中飽悶痞塊兩脇連心痛四肢沉重發熱泄瀉羸瘦等

二聖散

硫黃五兩

炒成青砂頭亦治翻胃膈食吐痰神效

水銀五兩

共研末同炒再研細每服三錢米湯下小兒一錢姜湯亦可

八仙丸

治脾胃虛寒嘔吐不食

治脾胃久冷大便泄瀉腸中疝痛米谷不化飲食不進等證

治脾胃久冷大便泄瀉腸中疝痛米谷不化飲食不進等證

附子炮

厚朴四兩

厚腸丸

高良姜

萹撥

砂仁

肉豆蔻各一兩

生姜三兩

為末醋糊丸梧子大米飲下五十丸

川烏炮

為末糯米糊丸梧子大每服五十丸白湯下

阿膠丸

治冷熱不調下痢赤白

黃連

為末蒸餅丸梧子大白湯下五十丸

桃花丸

治腸胃虛下赤白膿小兒脫肛極效

乾姜二兩

如聖餅

治大腸冷熱不調下赤白痢及大人小兒一切積滯

密陀僧錢五

訶子火煨去核

硫黃錢三

輕粉錢二

石燕一對洗淨

扁鵲心書神方

八

右為末。麩糊丸。龍眼大。捏作餅。每用一餅。入灰中。畧煨。熱茶清下。

珍珠散

治大人小兒霍亂吐瀉。

滑石各二兩

共為細末。每服二錢。白湯下。不愈再服。小兒一錢。

少陽丹

能解利兩感傷寒。瘟疫瘴氣。

硝石

硫黃

五靈脂炒醋

青皮

陳皮

麻黃各二兩

為末。先以硝石炒成珠。和諸末。米糊丸。菜豆大。白湯下五十九。再以熱湯催汗。

中和湯

治傷寒瘟疫。頭目昏痛。發熱。鼻流清涕。服此不致傳染。

蒼朮

川烏炮

厚朴製

陳皮

甘草各四兩

草果二兩

共為末。每用四錢。生姜七片。水煎和渣服。

還睛丹

治脾腎虛衰。精血不生。致雙目成內障。

磁石

硫黃

雄黃

雌黃各二兩共為粗末。入罐打三。雌黃炷香冷定。取出。研細。配後藥。

鍾乳粉

附子

台椒炒出汗

共為末。醋糊丸。梧子大。每服二十九。空心米飲下。日二服。半月覺熱。攻眼勿懼。乃腎氣潮。眼陽光復生也。熱時用兩手搓熱。揉之。揉一番。光明一番。六十日後眼明。藥盡再服一料。

密蒙化散

治風熱攻眼。昏睛多眵。隱澁羞明。或癢或痛。漸生翳膜。或患頭風。在先牽引兩眼。漸覺

細小。及暴赤腫痛。

密蒙花

木賊節去

川羌活

甘菊花

白蒺藜炒去刺

石決明煨再用

各等分為末。食後茶清下三錢。

撥雲散

治上焦壅熱。眼目赤腫疼痛。或生翳障。先服洗肝散。後服此藥。

荊芥穗

川芎

防風各二兩

枳殼炒

蟬退去翅

薄荷

龍膽草

甘草各五錢

共為末。每服二錢。食後服。

洗肝散

治藏火太過。壅熱攻目。或翳障疼痛。

大黃

黃芩

水煎食前服。

補肝丸

能補肝腎之氣。服還睛丸後。多服此藥。



治肺厥頭痛及腎虛咳嗽煩悶遺尿

石膏一兩

硫黃一兩

消石一兩

天南星一兩

為末。麩糊丸。梧子大。食前米飲下。五十丸。日二次。

宣風丸

治風濕脚氣。走注上攻。兩足拘急疼痛。或偏身作痛。

黑丑二兩

青皮一兩

胡椒二十粒

全蝎二十四枚

共為末。蜜丸。梧子大。食前白湯下。五十丸。或三十丸。

五膈散

治肺傷寒。誤服涼藥。冰消肺氣。胸膈膨脹。嘔吐酸水。口中如含冰雪。體倦減食。或成冷

勞。胸中冷痰。服此皆効。

人參

黃芪

白朮

麥冬

官桂

附子

乾姜炒

遠志

台椒

北細辛

百部

杏仁

共為末。水煎服四錢。

撮氣散

治涼藥傷肺。飲食不下。胸膈飽悶。吞酸氣逆。久嗽不止。

白朮

乾姜

黃芪

附子

川椒

杏仁

甘草五錢

麥煎散

治幼年心絡。為暑所傷。每至暑時。即畏熱。困倦減食。

知母

烏梅肉

地骨皮

柴胡

大麥

右剉片。成一劑。水煎溫服。緩下。

剪紅丸

治遠年近月腸癖下血。

吳茱萸

荊芥穗

川烏

右炒黃色。共為末。醋糊丸。梧子大。每服五十丸。空心白湯下。

分氣丸

治心腹痞悶。痞痛。兩脇氣脹。痰涎上攻。咽噎不利。能行氣化酒食。

黑丑

青皮

陳皮

乾姜

肉桂

共為末。水法梧子大。每服三十丸。空心姜湯下。

鎮心湯

治心氣不足。為風邪鬼氣所乘。狂言多悲。夢中驚跳。

人參

茯苓

石菖蒲

遠志

木香

丁香

扁鵲心書神方

甘草

乾姜各五錢

大棗三枚

水煎空心服。

遠志丸

治心氣不足。多悲健忘。精神昏默。手顫脚搖。多睡。

遠志

人參

石菖蒲

茯苓

為末。蜜丸。梧子大。每服三十九丸。酒漿湯任下。

定痛丸

治奔豚上攻。心腹腰背皆痛。或心氣連臍丸痛。

木香

馬蘭草醋炒

茴香

川棟子炒各一兩

共為末。每服四錢。滾酒下。連進二服。其痛即止。

阿膠散

治肺虛咳嗽咯血。

牙香三兩

阿膠一兩

蛤粉炒成珠

為末。每服三錢。姜湯下。日三次。

定風散

治破傷風。及洗頭牙槽等風。牙關緊急。項背強直。角弓反張。若一二日者。服此可治。五

七日者難治。須急灸臍下三百壯。

川烏炮二兩

防風二兩

雄黃一兩

共為末。每服四錢。水煎和渣服。日三次。出汗愈。

安蟲散

治蟲攻心痛。吐清水。如蟻蟲發。則腹脹。寸白蟲。則心痛。並治之。

乾漆炒至烟盡五錢

鶴虱炒淨

雷丸切炒各一兩

共為末。每服二錢。小兒一錢。米湯下。

檳榔丸

治小便淋澀不通。及血淋石淋。

檳榔

芍藥

苦楝子炒

馬蘭花各一兩

共為末。每服四錢。酒煎熱服。

換骨散

治癩風。面上黑腫。肌肉頑麻。手足疼痛。偏身生瘡。先灸五藏俞穴。後服此藥。

烏蛇去頭尾酒煮

白花蛇全上製法

石菖蒲

荊芥穗

蔓荊子

天麻酒炒

胡首烏小黑豆拌蒸晒

白楊樹皮各二兩

甘草炒

地骨皮酒炒

枳殼炒

杜仲鹽水炒

當歸炒酒

川芎炒酒

牛膝鹽水炒各一兩

共為末。每服二錢。酒下。

胡麻散

治癩風。渾身頑麻。或如針刺。偏身疼痛。手足癱瘓。

紫背浮萍七月半采一斤

黑芝麻炒四兩

薄荷蘇州者佳二兩

牛蒡子炒

甘草炒各一兩

共為末。每服三錢。茶酒任下。日三服。

消癭散

扁鵲心書一神方

十二

治氣瘦多服取效血瘦不治

全蠋三十枚去頭足

猪羊鬻即豚眼骨各三十枚炙枯

枯礬五錢

共為末。蜜丸。梧子大。每服五十丸。飽米糖拌。吞。或茶任之。

補宮丸

治女人子宮久冷。經事不調。致小腹連腰痛。面黃肌瘦。四肢無力。減食發熱。夜多盜汗。下赤白帶。久服且能多子。

當歸酒炒

熟地姜汁炒

肉苁蓉酒洗去膜

兔絲子製法見前

牛膝酒洗各二兩

肉桂

沉香

草撥去蒂炒

吳茱萸去梗

肉果各一兩

真血竭

艾葉各五錢

共為末。醋糊丸。梧子大。每服五十丸。或酒或白湯任下。

膠艾湯

治婦人衝任虛損。月水不調。子宮久冷。腰腹疼痛。赤白帶下。或惡露不止。此藥能通經絡。活死血。生新血。

阿膠蛤粉炒成珠

艾葉

當歸

白芍

川芎

熟地各二錢

甘草

乾姜各五錢

共為末。每服四錢。水煎。和渣熱服。戒怒氣一月。

地血散

治婦人心血間有熱。飲食不減。起居如常。但發煩熱。

茜草

當歸

白芍

烏梅

柴胡

知母各一錢

每劑加姜二片。水煎。溫服。

大清膏

治小兒吐瀉。後成慢驚。脾虛發搐。或斑疹後發搐。

烏蛇去頭尾酒浸炙

全蠋十枚去頭足

蜈蚣五條去頭足炙

鍾乳粉要真者火煨研極細末水飛淨五錢

青黛

丁香

木香

川附子各五錢製

白附子各一兩製

共為末。蜜丸。龍眼大。每服一丸。滾水下。連進二服。立差。甚者。灸中脘五十壯。

碧霞散

治痰涎壅盛。卒仆或發驚搐。一切急症。服此吐痰。

猪牙皂角炙去皮弦

銅青研另

大黃用生

金線重樓即金線釣蝦蟇製法見後各五錢

右為末。每服一錢。小兒三五分。白湯灌下。牙關緊者。鼻中灌下。吐痰立愈。

萬靈膏

治小兒疳瘦腹脹水瀉多消。

香附兩一

青皮

川黃連

肉桂

巴豆去油

砂仁

肉果各五錢

育嬰丹

治小兒面黃肚大。青筋作瀉。及五疳諸積。健脾進食。

上好白臘一兩化傾入碗內七次

神方

神方

赤石脂一錢火煨脾疳用之

青黛一錢肝

寒水石一錢泥罐上下益

牡蠣一錢肝用之

先將白蠟研碎。後加各經引藥。共研細末。分作十貼。每用雞蛋一枚。開一小孔。去黃留清。入藥一貼。攪勻。紙封口。或蒸或用火煨。任意食之。酒飯無忌。

抑青餅 治小兒驚風。清膈化痰降熱火。

防風 薄荷 桔梗各一兩 甘草炙 青黛各五錢 冰片分

共為末。蜜丸。艾實大。或捏作餅。姜湯下。

硃砂丸 治小兒膈熱消痰。

半夏製 辰砂各五 杏仁三十粒

共為末。蒸餅丸。梧子大。每服十丸。或五七丸。食後薄荷湯下。

醒脾丸

治久瘧不瘥。

川烏五兩姜汁浸 大蒜三兩煨 共為末。醋糊丸。梧子大。每服二十九。米飲下。小兒量減。

奪命丹

治中風。左癱右瘓。半身不遂。口眼喎斜。言語蹇澀。

川烏酒 蒼朮米泔 各四兩。共為末。酒糊丸。梧子大。空心服十五丸。忌見風。暖蓋出汗。

脫衣散

治汗斑及紫白癩風。

附子 硫黃 各五錢。共為末。姜汁調以茄蒂蘸擦三四次。全愈。

百花散

治腿肚血風腫瘡。小兒蜈蚣瘡。或耳底出膿。癩癧痔漏。

川烏五兩。搗為末。凡一切瘡毒。以麻油調塗。濕者乾糝。耳中出水吹入。牛馬六畜瘡。皆可治。人家合醫。入此末五錢。不生蟲疽。

附金線重樓治證

金線重樓俗名金線釣蝦蟆。采得去外黑。粗皮用石頭打碎。勿見鐵器。曬乾為末。小罐收貯。凡一切要吐痰涎之證。用代瓜蒂最妙。

一治風痰結胸。用一錢。陰陽水和服。吐去痰即愈。

一治傷食成瘧疾者。用一錢。臨發空心水和服。一吐即愈。

一治禁口痢疾。涼水和服一錢。吐痰即愈。

服金液丹各證引藥。

虛勞。白湯下。或姜湯下。

骨蒸潮熱。地骨皮湯。或炒胡黃連五分。煎湯。或丹皮湯下。

吐血茅根湯。或藕節湯下。消渴。烏梅湯。或石膏湯下。

扁鵲心書神方 十四





紅砒一斤入罐化汁用金頭蜈蚣全蝎未投砒內以砒不起烟為度又以砒用槐角子一斗煮三晝夜水乾為度上以土築寔封固火煨鍋通紅死砒脆白化成汁。用砒一兩配前金液硫一兩共研為末攤于膏藥貼患處。

汗斑神効方

黑芝麻

按字書無磁字繫

將芝麻研細入磁汁煎數沸搽之即愈。

扁鵲心書三卷及神方一卷宋紹興中開州巡檢。寶材所集錄。已嘗錄板行世。而歲久湮没人間少有見者。古月老人得之。說為奇書秘冊。寶藏不啻在琅函玉笈中。老人精醫理。千古今方論。剖析疑似。指斥謬誤。皆合軒岐正義。遇危急之疾。他人縮手告難。老人治之。往往奏效。年五十外。又得此書。嗣後治人痼疾。益多奇驗。沒後。其子道周繼其業。嘗手其書示余曰。思欲重刊以傳于世。而家貧乏力。遲之十餘年。竟不克刊。道周亦沒。歷今又十餘年。見其孫紀雲。語及是書。因出其祖手錄副本見示。上有參論百餘條。拾遺補闕。可謂寶氏功臣。第字句不無訛錯。邊方亦有蠹蝕。問前者所見原本。則歸橫塘一藏書家。余深以不得再見為歎。又恐此本久亦湮沒不存。爰加較勘。即以參論諸條附註其下。以付剞劂。一以恩故人。昔日見示斯編之意。一以使奇方要訣流傳世上。後人用之。得以起沉疴而保天年。為益甚無窮也。回思數十年前。與古月老人父子相晤語。宛然疇昔事。歲月如

馳兩人墓木已拱。不獲親見。是書重刊。為可嘆也。老人名珏。字念菴。因姓胡氏。故自號古

月老人。清乾隆乙酉二月丁丑朔。紫陽山民王琦書。

寶氏林。生于宋之中葉。而書中有河間丹溪遺說後世之語。又鍾乳粉方下。嘗丹溪多服發渴淋之說為謬。又言製法。見時珍本草。何緣舉凡明人之書而及之。其為後人增益無疑。兼知是編非寶氏原本矣。仲景傷寒論古今奉為不刊之典。寶氏頗有指摘。其未當者數條。蓋由膠執其詞。未嘗融貫以參領其活潑之用。致意見有差池。再後人自當分別觀之。能鑒其是。更能正其非。判然不惑。斯為善讀古書者。人稟陰陽之氣。以成此身。身之內。皆二氣所充周也。互以相生。因以相濟。而無過與不及之相陵。是以內外和平。而無疾病。有疾病者。反是。治之者。扶陽保陰。各視其攸宜。損之益之。以期于至當。而無偏焉。是書重在扶陽。或者疑其不免偏見。然余嘗觀天地間。日月盈虧。寒暄遞運。雨暘時若。草木盛衰。而信陽常有餘。陰常不足。乃造化自然之樞機。若夫陽常有餘。而芸生不厭其有餘。陰常不足。而芸生不苦其不足。以此悟扶陽之理。視保陰為尤要者。亦本造化當然之軌。則寶氏之書。以灼艾為第一。餌丹藥為第二。用附子為第三。傳此三法。以為保命真訣。洵千古不磨之法。何庸排訾其非哉。其議論張王以下六子也。非務為好辯以矯異也。序中已明言學六子之書。以調治小疾。百發而百中。特以數十種大病垂危之證。非其書中所載諸方。可能救療。而別有救療之方而言也。惟是藥與人有

宜不宜之殊。方與證有對不對之異。千古書能善讀者。又貴能善用。苟僅能見其外之形。似而未能察其內之神機。惘惘然執紙上陳言。而嘗試之一有不當人。且乘其間而議是書扶陽之法為誤。而不可遵循矣。嗟嗟扶陽正理。何誤之有。因用者之不當。而并咎昔人立言之誤。吾恐斯人之學。亦誤于保陰之說。天枉天下蒼生更多。而曾不自覺也。可勝嘆哉。二月十三日巳丑琢崖又書。

雕板未竣。或有阻余者曰。陶節菴錄成家秘的本。戒其子勿以示人。恐淺陋者妄肆詆譏。子珍是編什襲而藏之。擇其人示焉可矣。胡事鑿梨刻棗。以昭示于世。不類淺學之徒。是非鋒起。或加塗抹。而為是書瘡痍。與余曰。人心各異。所見不同。于是書而非之。或塗抹之。如吾子所言。固有矣。然豈無重之珍之。更欲重刊之。如古月老人父子者乎。昔華陀能割割積聚。滌洗腸胃。其方書焚毀。不傳後人。以為恨。然使其書尚存。恐謂其誕妄不經者。必多孰敢有信而用者。今竇氏之書。寧獨異于華氏之書耶。余幸其得存于今也。亟重刊之。化一帙為千百帙。冀其長留天地間。而不至漸滅無傳。後人得之。或有信而用者。以之起死扶衰。通閉解結。而反之于平。則是書實博施濟眾之良書。其為有功于蒼赤。豈少哉。彼執偏滯之見。平居則嘖有煩言。于扶陽之理。肆為排擊。臨險證則袖手傍徨。莫之能救。其學之優劣。可一覽而知其言之是非。曾何足為重輕乎。二月二十六日壬寅琢崖又書。

